

古尊宿語錄卷第四十六

士十

僧錄司右闡教兼錄山雲谷禪寺持凍戒重教

真淨禪師語之餘

偈頌 寄百丈瑤首座 百丈雄峯倚碧
虛其間今古道非孤不知一句墮狐事借問
當時有也無 有無聞說笑哈哈不是知音
不問來莫把祖機容易泄侍伊孤眼自醒開
潛能展事客搜機落草之談信有之言下罕
逢師子子成群作隊野狐兒 和酬運使蔣
公頌古八絕句 仰山 為仰法幢摧已久
從頭提起又重新誰知斷臂傳來事光顯須
憑大智人 父子有時揚客意神通變化不

永樂北藏

古尊宿語錄

相知喚回業識忙忙者笑倒滿山老古錐
踈山 呵呵大笑意難論樹倒藤枯問有因
緞向明招言下悟眼開只是舊時人 因茲
自抱無絃琴歸隱踈山烟翠深有箇荆溪蔣
居士曾聞得得訪知音 末山 末山不露
凌雲頂今古崢嶸在目前又道本無男女相
非君莫辨火中蓮 非色非心非行業成男
成女辭隨緣而今僧俗并群有一一昭然總
不偏 洞山 掩耳重開眼果寬廓然無法
不同觀山林瓦石縱橫說若到常情取信難
按部不妨閑訪道新豐一宿詎皮膚水聲山
色紅塵外軒蓋重來得也無 寄雲居長老

第一九八冊

五頌 絕頂雲居北斗齊雲門知見便高提
莫將透脫常情解須是當機離水泥 絕頂
雲居北斗齊截身北斗最難提葉林總作平
常解無限高僧沒在泥 絕頂雲居北斗
齊出群消息要人提其中未善宗乘者奇特
商量滿眼泥 絕頂雲居北斗齊

差光裏關中提擎頭戴角誇能解一一重教
上細泥 絕頂雲居北斗齊橫三豎四目
前提空中鵲眼殊無碍還笑狸蛇不離泥
雪朝上堂舉龐居士辭葉山因緣復頌其意
示諸禪者 龐翁境界滴水滴凍藥山閑
黎兩目定動機不發時一場困夢本自天真

阿誰解用 師室中問僧云了也未僧云
未了師云你喫粥了也未僧云了師云又道
未了復云門外什麼聲僧云兩聲師云又道
未了復云面前是什麼僧云屏風師云又道
未了復云還會麼僧云不會乃云聽取一頌
隨緣事事了日用何欠少一切但尋常自然
不顛倒 見僧來以火筇敲火爐僧云不
會師乃頌曰 火筇敲火爐日用更無餘
開單并展鉢何處有親疎 僧又問達磨
西來單傳心印又如何復乃成頌 火筇
敲火爐直指更無餘開單并展鉢一一晃心
珠 師室中問僧如何是無文字一句僧

無語僧却問如何是無文字一句師云廬陵
米作麼價又云面前是屏風 一一超然
一一玄莫將情計自留連從來大道無文字
不要安排喚作禪 僧云洞山禪難參師
乃有頌 洞山禪也不為難與君時復且
閑閑柳標迸開天地眼一重山後一重山

示眾二頌 了無一法祇在臨時把來便
用更莫遲疑 於法應自由更莫向餘求
殺活劍在手到處得風流 法界三觀六
頌 色空無碍如意自在萬像森羅影現中
外出沒去來此土他界心印廓然融通廣大
其理事無礙如意自在倒把須彌卓向纖芥

清淨法身圓滿土塊一點鏡燈十方海會
事事無碍如意自在不動道場十方世界東
涌西沒千差萬怪火裏蜚螭吞却螃蟹其三
事事無碍如意自在手把猪頭口誦淨戒趣
出娼坊未還酒債十字街頭解開布袋其四
事事無碍如意自在拈起一毛重重法界一
念遍入無邊刹海只在目前或顯或晦其五
事事不知空色誰會理事既休鐵船下海石
火電光咄哉不快橫按鎖鑰魔軍膽碎其六
讀金剛經是法平等無有高下佛意非傳大
士頌指南則異說者多矣故水陸同真際飛
行體一如則佛佛道同信斯也因成一頌用

示諸禪者 平等群生類。迷為七趣因。悠
悠終莫覺。擾擾但隨塵。賴我從凡質。何緣獲
法身。神通雖未具。作佛亦天真。短歌寄
端上人 驚峰深黃蘗。苦一來知味。便回
去去去。不回頭。大地何曾有寸土。廓然胷臆
寰宇寬。東涌西沒。胡為難。早言云。徃逍遙山
又聞已在袁城間。因思孤坐雪寒夜。松風瑟瑟
添蕭洒。端師端師聽我言。玉鑰在手須牢
把 寄人 一三三四五。清平打鼓道
吾舞。脚踏金船海。月高無根樹。下躡龍虎優
鉢羅。花火裏。開軒轉寶鑑。埋糞土。為報潁川
善女人。信受摩耶千佛母 送和禪者南

雄作丐 見不見逢不逢。千里萬里圓光
中。左顧右眄華嚴海。輕提重按開盲聾。此箇
妙窮不窮是處。園林落花紅乾坤。造化有時
節莫比。仁者無間風。忽釋迦慢彌勒。彼既丈
夫我亦爾。都來祇在一毛頭也。解分身千百
億。臨機一一不思量。好笑時人識不識
送清禪者石城丐 菩提數珠一百八。攝
標拄杖六七尺。象王蹴踏潤無邊。達磨唯留
履一隻。至今天下重黃金。笑殺寒山與拾得
觀音。慈布袋慈維摩。問疾文殊。堪千奇萬怪
狀。無盡皎然此理。誰相諳。石城人物多賢善
仁者一到。皆和南。有人問着新豐老。切忌承

言落二三

送生禪者袁州丐

箭穿

紅日影山鬼把住麒麟兒
寶人破布衫海神捧出珊瑚枝
臨際三關透不透雲門一字知
不知閑思昔日同參者笑倒新豐老古錐
小釋迦大禪佛集雲峯下有窠窟相逢湏辨是
與非莫順人情剛負屈
鼈鼻蛇遶天鵲偏問

士

四

知音是底物奇哉高步下層巒
好向前途恣輕忽

送從禪者廬陵丐

鼓山頭上

雲成蓋石霜霜水清如鏡
新豐洞裏伸脚眠眼開起來
天地迥拍手呵呵笑不休
堂上老胡俗姓鄭廬陵米價高
復低免角拄杖湏親劈欲度門門一切境
當知密室爛如泥

送長上人袁州丐

集雲峰下四藤條誰

復得道遙祝融峯頂萬年松
天下名標新豐五位拄杖頭挑橫
三豎四東西南北偏中來正中
去遇賤即貴逢低且高撞着三家村裏
老婆掣斷裙腰十字街頭醉翁子扶起來
與伊繫條或是或非胡抄亂抄休話祖師密意
莫問世俗塵勞道人活計舉措堪褒咄將此
深心奉塵刹諸子不同袍海裏須弥日月高
送雅禪者石城丐

雞不鷄無功之食水

長船高物歸乎有道之心泥多佛大德山呵
佛罵祖曾遭巖頭僧堂前領過臺山路上老
婆有箇趙州不出門勘破獨有雲門古錐有

口不妨道火火本無火承言者紛紛自我不
然也非言道不通非事理不果理事通達人
利生無不可既然也有却解臨時建立又不
喜逐旋包裹但可以直用好心殊不知返遭
惡禍末法衆生知恩者能有幾箇雅禪者爲
尔老婆葛藤會麼寄南康魏處士寄茶南康

十

五

有箇魏處士生來心淨開蓮華蓮華妙心空
無物能爲佛事如塵沙衆生佛種不自發莫
不親相生道茅觀音勢至自可仰文殊普賢
人共誇豈唯慈善佛菩薩不獨念怨惡那吒
有時人頭及鬼面有時虎豹諸龍蛇一一臨
時能變化一一所應曾無差當知皆承此箇

力不知處士自知耶此也從來最靈物當頭
一著輸丹霞誰言僧俗有南北我道聖凡同
一家音通不問識不識逢人便寄趙州茶助
我日用作佛事吸者唯嫌苦澁加苦也澁也
益何盡泥也水也興無涯人間萬事即佛事
正者自正邪者邪因思昔日洞山老問佛解

道三斤麻

寄吉州清平跨牛庵

庵內不知庵外事跨牛誰識樂生緣或舒驢
脚步荒草又把佛手開人前頭頭應現頭頭
別元與跨者曾不偏肥苗嫩稼觸途秀飽亦
不食牛可憐青煙萬戶大和邑白雪一曲清
平禪客來欲辨牛毛色唯見長老庵中眠世

人有牛自可識毛色分明頭角全跨行一一
來他力莫問清平別有玄 送淨禪者巧
南康 逢人便出有理但伸一錐一割要
見通人三頭兩面任起情塵道不屬諍法何
有因心既無住道乃通津南康教化平等為
人富亦不富貧元不貧男之與女佛也天真
賢之與愚性也法身孰為彼我誰為疎親一
一明妙一一精神臨事活發應機妙陳不自
覺悟逐樂因循從頭指出無使漂淪海淨禪
者莫憚苦辛 送言隆二禪者之南華禮
六祖貞 曾聞菩提本無樹又云一花開
五葉是非有限分不分可使吾道生晞晞曹

溪分派共入海寶林人間翠相接其中塔廟
居真身同往瞻禮不可輒又聞彼既丈夫我
亦尔不應自當生退怯又不見古人已靈尚
不重況來諸祖解脫乎大丈夫大丈夫靈光
烜赫阿誰無當機大用脫知解舉措何曾法
道途本非文字不屬教亦非禪道莫昧渠明
明一一離諸相剛把迷頭顛顛糊二禪者^六是
不是若是不妨南去見老盧 送十一禪
者往諸方緣化 身是光明寶幢心是神
通法藏多虛不如少實千語終歸一當欲知
教外別傳便是西來勝樣神通利物昭昭光
明到處晃晃不屬諸方語言豈關森羅萬象

大機大用天真或是或非過量一得永絕攀緣無法更堪比况唯此一事真實其餘總是虛妄可使法界有情同悟此心無上十一禪者化行雄雄法王大將 後又添一人之禹載緣化 元是十一人添子成十二有利及無利終不離行市木塔老婆憐河陽新婦子普化解風顛我今故直指 上高李居士求頌 李翁李翁惠性自通知身幻妄處世皆空尊卑貴賤暫且相逢共若朝露總如春紅倏忽變滅誰是我儂唯心即佛靈妙難窮長生不死人性皆同明明日用不自信崇悟無彼此迷有西東李翁李翁宿植善

功一家蒙庇吉慶常隆兒孫樂善齋心融融正信清淨諸佛法中或讚或毀如盲如聾一切魔惱自然銷路道心堅固有始有終送照禪者 齷齪齷齪人謂我惡是非非我謂人莫不莫不作不惡不樂法喜禪悅去黏解縛黃龍家風佛手驢蹄後代兒孫須自開拓大啓三關末後一著雖涉語言不在糟粕皎潔靈源此彼何若神通光明圓滿大覺切忌思量應病與藥 方禪人求師親書偈送 字要親手書偈不憑人作彼此有如意應病即與藥開裏何妨佛手開擬蟻之前出驢脚任是碧眼胡兒也須路頭迷却

不是特地要辨清濁活衮衮明落落本自天然何須自縛還鄉曲調和者稀千木逢場但戲樂送諸郡丐者諸郡丐者道無此彼直截根源更何擬議性本一源用無有二但盡凡情別無勝義觸目遇緣無非佛事有利無利不離行市千木隨身逢場作戲或逆或順或非或是一主一賓一坐一起照用臨時縱奪有以臨際兒孫衲僧已鼻教化衆生成就根器家家觀音門門勢至兒女大小神通活計通人不疑法王已矣送德禪者丐平江平江一泓東流穿過千門萬戶佛法大意分明自是時人不顧直到大海

方休浩浩無今無古滔滔自有靈源亦似衆禪大悟若也心地洞然正法眼藏發露何妨運出家珍所在觀機救度明年是日歸來不尔却依位住南臺和福嚴長老結夏今夏南嶽南臺晚飯不通水泄杉松空引寒風田地莓苔不紫又道禁足九旬人人人口中一舌去夏蠟人消盡今後渾鑄成鐵殊不知有佛有法豈更解移凹就凸祇待置箇葛村准備來年夏熱送葉道人一葉落天下秋夕陽西去水東流黃河澄清聖人出二千年事何悠悠稀復稀少復少使我虛生幾迴老如今共喜居太平何妨學佛閑訪道

歸去來歸去來老盧得不在黃梅普光心印
神通藏日用分明眼自開 送琪道者作
巧 衲僧門下縱奪臨時靈蛇在手猛虎
當騎有鬚便將無尾莫退放去防渴把住知
飢賓主易見隱顯難思禪家大道法眼慈悲
送閑上人之黃龍觀老師 閑閑一片梓

士十

雲別海山卷舒出沒自有信豈同薄霧縈漁
灣閑閑閑情恁態西南還黃龍久約待為雨
我今目送胡高攀 和黃蘗老和尚送李
居士 踏新秤槌兩截分明為君直說黃
蘗苦口多嫌三冬何處無雪難翻憶龐公
與兒女不婚不娉共頭活 送吉州魯居

士昆季 來從山下來去從山下去行也
曉便行住也晚便住在路同弟兄到家會見
女莫嫌言語太尋常最是為君省要處省要
處三四五須彌踣跳迦葉舞 寄福嚴謹
上人時在南臺 白雲籠高峰明月照淺
水誰云與日同方曰為知己北嶺壞邊人南
臺石上子救得老盧頭失却少林齒
送一禪者袁州可 佛子之心絲毫不掛
無底籃子驪珠滿渴袁州城裏任人著價異
日歸來倒騎鐵馬 送儼禪者吉州可
佛子之心大喜大捨喚龜作鼈指鹿為馬偃
溪水聲廬陵未價一一法門死蛇活把

送慶輝者崇陽丐

佛子之心無非利樂

衆生界中應病與藥或呈佛手或出驢脚我

宗赫然莫錯莫錯

送泰禪者乞米

佛子之心能施惠澤山前穀熟人間米白十

升一斗大翁二伯但盡凡情錢不露陌

送際修造 佛子之心逢場作戲遇緣即

士十

九

興常可如意佛殿三門觀音勢至彈指乃成

九峯山寺

過義井莊猛才上人求頌

古佛家風在尋常已自知不勞心力處忽逆

電光時既作韶陽客當爲師子兒目前凡與

聖一一莫存伊

又滿莊主求頌

智者能孤立開花自有春不爲萬法侶肯作

半途人快臆乾坤大威光日月新尋常拋擲

裏誰識是天真

寄饒守鄒幾聖

此身穢惡聚無佗又不得智者知是幻飲食

聊滋益中有淨法身精明妙誰識君與我無

差一得即永得

寄葉推官

此心難

是便忘機况屬衣冠富貴時終日素餐甘自

得浮生虛幻許誰知能將悟意唯書偈不把

吟情更作詩一種家居超俗類西天摩詰亦

如斯 近想道彌著前來所得深虛遠真

法性皎潔淨名心王事何妨及塵勞已不侵

妙靈居日用誰古復誰今 和宜春張簿

見寄 萬類紛然居有爲一一天真本無

住豈是明公獨妙明我亦從中獲靈悟情與
無情及聖凡解脫門開同一路王也臣也自
可知此是如來親付囑 鄉上人禮師乞
頌 有僧近從廬山來輒然問我求禪偈
我既臨時解變適神頭鬼面趨言義而况佛
法無定機宗門自有通人至子應久歷叢林
師潦倒所說是也不是 張道人寂庵
離念性虛明居此常寂照萬象圓光中清淨
同一妙開池養白蓮門當市井道我無人事
心人事不相到 寄塘浦張道人
世俗塵勞今已徹如淨琉璃含寶月鍊磨不
易到如今寶月身心莫教別死生倏忽便到

來。幻化身心若春雪。唯有道人明月心。日用
廓然長皎潔。靖安令程節推一日遊山
以諸堂寮舊名猥冗各隨事易之揭為熏修
精進廓然證宗性空實際不二了義法忍妙
用和集雲鶴老拙乃一一頌之又作通人偈
共十三首寄呈 熏修 圓滿菩提道
熏修乃得成。理雖頓悟勝。事要漸除輕。鏡藉
重磨瑩。金頂再煉精。勸令先自利。然後利群
生。精進 六種波羅岸。先乘般若舟。
自然無所住。何更有跟由。勇猛能成佛。踈慵
不到頭。衆君共著力。禪者總精修。廓然
每來常默坐。却洞廓然襟。廣大乾坤量。包含

日月心。龐公雖去世。程老復知音。別聽焉霖
雨。當期外護深。證宗 達佛心宗也。
寸無差。平時相應存解行。瞻敬見師資。琢玉
當成器。磨礱莫問伊。西來諸祖令。一一總如
斯。性空 佛及衆生性。圓明躰本同。
見聞皆共有。取捨總非空。在事能潛隱。當機
解變通。談禪并治俗。一一見全功。實際。
妙湛經持際。光明覺性身。在家疑是客。別國
却爲親。漸誘終難信。高提復倍真。如今法末
世。教我若爲人。不二 平等觀諸子。
家門不二開。客程無是處。浪迹終歸來。法寶
名如意。禪朋號善財。共遊華藏界。寰宇一塵

該。了義迷頭曾認影。了悟縱成非。
唯有道心在。更無禪病依。靜中聞水過。閑裏
見蜂飛。一天真事。何人共所歸。法忍。
對境心常寂。靈源本不生。事隨高下應。機逐
溪深評。剖判彰神用。觀瞻洞覺明。無非法忍
力。更莫外求聲。妙用 神通并妙用。
迎送及攀陪。更不假人教。自然隨事來。幻身
同草木。淨性出塵埃。多謝程居士。迷頭縱喚
迴。和集 法門元不二。所到便爲家。
圓頂旃檀樹。方袍菡萏花。六和儀有伴。四攝
道無涯。豈獨携禪者。俱登大寶車。雲鶴。
旦過晚應宿。山堂任去留。孤雲能自在。隻鶴

更優游。柳樑開青眼。袈裟伴白頭。未明西祖意。萍迹謾悠悠。寄通人。通人何揀擇。一一道無偏。擬欲分優劣。還應落蓋纏。心同作佛。法法共談禪。但盡常情也。東流水滿川。禪定軒十偈。攝心名淨戒。禪定號波羅。到岸仍留筏。行慈復度他。悟懷生極樂。見性識弥陀。即此明軒下。菩提薩摩訶其一。雖然迷悟別。平等一禪心。莫向雲門覓。休從林際尋。瑕銷成白玉。鑛盡得黃金。無比不思議。靈源最甚深。其二。本來同作佛。妄想共留連。此日不為道。何時能去纏。便宜歸寶所。休更認空拳。一天真

性。花開火裏蓮。其三。西來元不二。天下所傳差。佛法無多子。門庭有幾家。主賓分兔馬。棒喝辨龍蛇。學者宜詳審。如今正可嗟。其四。諸祖傳心印。何曾別有禪。宗乘迷有異。佛法悟無偏。寶覺人人大。靈機事事圓。莫求奇特說。荒却自家田。其五。小乘不見性。心外別有禪。妄現涅槃樂。迷遭煩惱纏。豈知潭底月。元在屋頭天。更把古人語。將為奇特傳。其六。神通遊戲力。一一本無生。菩薩能親證。如來更妙明。聲聞未信。緣覺覺猶驚。唯有大乘器。靈源發便清。其七。佛性天其事。誰言別有師。男兒

彈指處。女子出禪時。不費纖毫力。何曾動口。
忌。衆生總平等。日用自多疑。其八。學道
先須明有悟。法王法印無偏。枯來事事皆
過量。把出心心總離緣。由是衆生顛倒解。不
觀諸祖上來傳。蓮花世界同遊戲。主伴交參
影像前。其九。龍象朝昏。揮悅處。幽深難
勝此軒窓。心為遊戲神通藏。身是光明智照。
憧。徇物高佞。雖有二歸。源本末且無雙。但能
知見同真正。外道天魔稽首降。其大義察
大義無文字。誰云達磨傳。此心元淨妙。是法
本明圓。有據人人佛。無生念念禪。開單蕪展
鉢。一一火中蓮。其一。大義即為察。包容

起一朝。聖凡同寂滅。主伴共逍遙。少語工夫
大。多聞慧解饒。禪餘遊覺苑。朋友好相邀。其
照軒。本性本明妙。如何却妄緣。常光常寂
照。淨智淨空圓。舉衆皆平等。臨機總見前。唯
除不信者。教外豈虛傳。其一。西來教外
傳。開悟却憑言。心是神通藏。身為智照軒。法
空平等座。善巧揔持門。大義靈無盡。禪家各
有源。其二。法會寮蘭軒。晚應清涼候。花苞吐
國香。謝庭家世短。孔子教風長。有德更誰並。
無人亦自芳。蘭軒禪者衆。佛性戒冰霜。
其一。無人亦自秀。況植梵王家。僧衆共白
業。禪庭開素花。對談為法會。長養壅溪沙。正

似修行者。常將戒定加。其春秋皆有箇復作。偶以原之。鶴白。燕鳥黑。心為造化元。二儀雖有象。一氣本無言。萬物遂其性。四時歸所存。秋花與春艷。香每滿蘭軒。寄荆南高司戶五偈。若把心無却。教誰辨主賓。不知妄想性。便是聰明人。祇要自覺了。頓忘能所親。但觀佛與祖。一一洞天真。其一。知見無上力。禪門已了心。不從達磨得。豈向釋迦尋。莫被無言溺。須妙有語沉。現成常現在。唯悟始知深。其二。小乘修小法。妄現寂寥禪。務靜欣無念。嫌喧怖有緣。不知佛世界。即是己心田。起坐明如日。眾生共皎然。其三。

學道多沙數。阿誰能自尋。二人禪悅性。千里月明心。瑩徹同僧俗。靈通共古今。莫將閑藝解。可惜枉埋沉。其四。男兒丈夫志。開鑿自家田。莫逐雲門語。休依臨濟禪。人人元具足。法法本周圓。但作主中主。門門日月天。其和開福長老送強禪者七偈。迷行順行皆青春。或是或非不動神。往往總隨聲色轉。頭又昧本來人。一氣纔和萬物春。不勞功力豈勞神。非言非句非文字。快活當機有主人。多執平常夢裏春。依他妄計自傷神。更傳臨濟雲門語。奇特商量惹殺人。雲門臨濟百花春。一一靈機總有神。到底不關言語。

事。錯傳錯解。誤他人。直截根源。教外春。阿誰不聖。不通神。雖然向道。離蛇舍。又作無心常醉人。言句清新。便謂春。平常為實用。安神。希望成道。不求悟。更把糟糠。教授人。悟來無物。不為春。荆棘林中。解養神。常與不常。虛對實。昨機提出。趣由人。寄浮山巖中。淚達二上人。若是金毛。那守窟。奮迅東西。警群物。有時踞地。吼一聲。突然驚起。遼天鷗。所食不食。鷗之殘。戲來還是弄活物。翻嗟疥狗。一何癡。到處荒園。咬枯骨。送宣上人。落落空門子。心空法亦空。有橫榔。標杖。南北異西東。寄昭首座。時在大愚。高安灘上。

古樺閑。吾祖曾開微困顏。經幾百年真迹在。長應留待子孫還。和荅筠守。錢郎中。圓相頌。送住洞山。未有難名。既形可措。圓滿現前。群迷得路。送榮上人。往黃蘗。禮積翠庵老和尚。了然逆順。皆方便。往往宗師。昧者多。君欲決明心地。印驚拳。問取老禪和。到日應須。次弟。攀入方境界。妙堪觀。重重無盡。重重異。一一憑君子。細看和真首座。施茶。從苗辨地。知音少。獨有吾師。鑒最靈。烹出異常。還音。花幾人。於味得全醒。留真首座。名山靈迹。遍優游。賞勝心。應近已休好。住新豐古洞裏。共揚佛事。老春秋。曰事。

永樂北藏

古尊宿語錄

第一九八冊

祖師心印鐵牛機直要當鋒決是非掣電未
收轟霹靂相逢誰是丈夫兒 南臺石頭真
堂 南臺石上樹樹子今古何人道可齊昔
日住菴真斧在夜來明月落前溪 寄信上
人時在般若臺 要行便行住便住去住尋
常與誰語而今又在般若臺無錢娶妻衣自
補 和香嚴和尚石磬 乱山深處雲藏久
不是知音辨也難一日禪堂高掛著時時響
應萬機寒 玳瑁銀曉會茶晨直下無私喚
起人各各慙慙煮噉了可伶幽韻又虛陳
送道巖沙弥南康丐 步步登高鳥道玄心
心開發火中蓮沙彌品格沙門行始解南康

化有緣 送則上人 困魚上漂鳥棲蘆空
奮雙拳大丈夫一一盡從臂臑裏蓋天蓋地
洒醞酬 送全禪者廣南作丐 達磨遠下
一隻履老盧把住諸祖衣家家門前赫日月
太平不用將軍威 送文禪人之吉州丐
自心隨色摩尼寶莫問廬陵米價高更欲徧
遊華嚴界都歸仁者一眉毛 滁州全耕塔
院鑒上人邀宿草庵 未能直到覺元妙且
向途中息草庵勿謂無心便休去前三三有
後三三 庵內不知塵世事此心能有幾人
全黑龍山寺耕城外踏入青林隱翠煙
和酬運判李大夫 同鄉同姓通玄士應念

群迷復現身時向庵中開舊論還隨法果在
微塵 按行雖是江西漕藥杖分明長者身
須信此心能自在為官作論總非塵言公口
者之又贈李運判 公道生平為布施况聞
高潔到如今利民利國何人識元是仁慈古
佛心 竹炬點來明有盡智燈然去照無窮
故知般若靈光妙行震輝華到處通 和泐
潭軋長老見寄 泐潭軋老真淨翁白頭彼
此雪霜蒙道人不必重相見千里長同月下
風 長愛末山塵世外老來無用更深藏人
間是事只如此岩穴誰同一炷香 荅新昌
簿求圓通頌 何妨識取主人公妙性雖空

用不空王事更繁皆自了未聞裴措獨清通
送昭禪者 馬駒踏屢水雲深問道無非特
訪尋別我又投三祖去取魚不在一清潯
和揚川秀才見別 詩句清新已出塵西來
祖道更能親雖然頭戴烏紗帽心是蓮花社
裏人 龍湫 參天四面碧崔嵬中有龍湫
偃石堆往往山前為雨雹正應從此起風雷
別江西漕王正言 滌盡塵勞破盡疑廓然
還得本心時荒田不揀拈來草生殺臨風自
在施 和人歲旦 剃髮因驚雪滿刀年華
須信不相饒逃生脫死勤為佛莫謂明前
後朝 送華禪者 此心本是法中王南北

東西豈有方若遇風雲霹靂任教群鴈不成行
寄程承事 老也須知不老身同行
同坐有精神雖然無相無容貌能為群生作主人
筠洪中路有驛名大通其傍精舍
曰竹下因投宿題之 有寺路傍名竹下去
洪一驛大通前偶來投宿滿窓月伴我寥窅
永夜禪 送曉化主 藤王閣上江山勝洪
開城中萬事閑祖意西來本清淨不須更要
離人間 仙遊觀愚溪閣 濟用古今流不
盡閣中誰是不言人此心若似愚溪水天下
悠悠總任真 觀彭學士會黃蘗老宿覺林
院頌遂乃誅之 性覺瑩無垢廓然圓滿心

發生功若地長養行如林居士從元大禪師
復本深相逢一家內僧俗世殊欽 雪朝陞
座僧問雪上蹤由事若何師云片片色無別
高僧因雪問長老今當行片片色無別紛紛
性共明一陽曾告報萬物待生成不獨資禪
悅臨機要盡情 弔黃龍和尚塔 示滅師
何遠空遺塔此中僧開四海錫誰復九年風
鳥外千峰遠人間一徑通寥寥朝興暮唯有
白雲同 新荷示徒 濁泥終不染況在梵
宮生潔性一池碧幽香滿座清團團初映水
短短漸分莖更待蓮華出禪心妙可明
投老庵示衆 九峯山色裏拙者草庵深挽

老遂踈懶問禪徒訪尋欲知諸祖道不越衆
人心彼此同成佛耶為直指吟 題清居栢
樹 昔人曾指出今古道傳聲祖意憑君悟
禪心使我惺故知非俗物還長在僧庭凡木
幾回老高標依舊青 呈筠守徐朝議辭九
峯命二首 捨家從學道無用樂天真豈謂

七十

七十

至愚者仍慚老病身不堪為度世止合作閑
人乞放歸山去脩然老百春六十四年期歸
閑已是遲一身終有限萬事畢無時學道當
求靜為僧亦合宜蜀江賢太守外護却應知
張文結再任洪州 洪都王者府復鎮見君
臣不責辭南越唯佳奉老親江山千里舊宿

主一時新曾對談禪客慚非下榻人 大寧
山堂 禪家能自靜住處是深山門外事雖
擾座中人亦閑漁歌聞別浦鴈陣下前灣即
此非他物何妨洪府間 散珠亭 一一分
龍口當軒號散珠若教收拾得却恐久長無
合浦圓相似隋庭夜不殊豈唯能善利萬物
有工夫 擬王元澤題鳳凰臺 鳳去臺長
在園林別嶼連因傷故國事願學老盧禪淨
練澄江地餘霞散綺天六朝人不見極目舊
山川 寄西庵法眼安師 不聞庵外事此
意有誰知林壑路窮處世途心盡時鐘聲來
舊寺月色下新池却笑承風者區區老若為

穿軒 本來心自寂不必更論禪我欲辭多
事誰來共少緣萬杉青竈裏五老碧峰邊第
一幽藏廬廬山小洞天 留題天水居士靜
宴閣 收心安養處靜不在山中冬暖一爐
火夏涼三面風遣時緣既薄樂道意何窮莫
問人間事勞生總是空 洞山訥庵 寂寐
坐無語何人知此心別傳來自昔密付到如
今胡氏田園上雷家洞府深高僧養舍在誰
為訥相尋 留題東軒 佛子異行藏開軒
亦有方故因迎夜月仍得待朝陽群木煙初
暖幽蘭花正芳坐來禪性澹蜂蝶自輕狂
寄香城順擇師 靈觀松頭後名山護有神

道場千古舊法席幾番新廢去何由物興來
故在人况師先達者不與衆同塵 寄程承
事 七十六七八時來又共新青煙池上柳
白髮鏡中人但逐年華轉焉知佛性真寄言
程老子有酒且歌春 荅靖安黃尉問疾二
首 書來蒙慰問外護力何偏槌鼓會雲侶
焚香開雪牋滿池蓮出水迥漢月生天又似
新裁錦文章少比肩老病連綿發寢忘苦惱
紫百散雖朽敗一物却精明古屋縱傾倒開
心亦坦平但知行大道懶更問前程 宿彬
上人房 人事少相干亦由居處偏不隨流
過日常得自安禪野色郊原接雞聲市井連

此身仍老矣風暖杏花天 退洞山上毛大
夫 名山不到屢開欲過追尋擬把新豐月
將還悟本心禪門無著性仙府有知音
八山昔隱 聞說寒巖在天台第一深 遊東
鼓寺 東鼓與西鼓聞先瀑布前廬山園不
匝勢更近南邊 遊景福訪省長老 人生
倏忽間春色又東還方丈新宗正禪門舊竹
關嶺雲飛片片溪水瀉瀉溝溝總是天真物高
僧心共閑 寄績溪蘇子由 達人居處樂
誰謂績溪荒但得雲山在從教塵世忙文章
三父子德行二賢良却恐新天子無容老
石房 蘇子由開東軒有頴子西卷之說因

而寄之 才淹居亦弊道在不為貧未洒
巖雨止紫頰巷塵曠懷隨處樂大器任天真
半夜東軒月勞生屬幾人 訪寶雲長老
相見呵呵笑園林落葉多青松色尚在仁者
道如何世態期朝暮風光逐綺羅居山禪寂
子無厭我頻過 經宣梵院延亭 積善一
十
方人延祥日益新共當千百載長若二三春
塵客心心靜環簷物物真院頌宣梵號天子
福黎民 寄無為居士 世俗事無盡養高
心自閑蔬園通綠野林塢帶青山丹竈慵添
火雲菴懶著閑別應修有街七十見朱顏
快亭 門徑杉松老悠悠日月閑法王真境

界禪者舊家山祖意傳來久人情自別攀如
何快我臆滿座水聲還 清涼軒 夏間逃
暑屢軒戶對巖阿溪水漱無盡竹風來更多
百散煩既謝諸祖意如何坐久聞魚戲時時
動涿波 師在雙嶺清旦維那問訊乃曰寂
寞師曰寂寞僧家事遂成其偈 迥然生計
別輒向少知音寂寞僧家事誼譁世俗心長
遭兒女累真厭水雲深但樂西來意塵勞久
自沈 途中逢建州三秀才 桃紅蕖柳綠
天地兩初澄琴劍三才子瓶盂一老僧文章
投北闕道業繼南能邂逅征途上生平識未
曾 送周道士 歸去靈溪觀匡廬碧嶂深

澗松多偃蓋岩溜盡鳴琴不死徒養藥長生
可練心地年如有道飛錫一相尋 送張僉
判遊開先 步入青松裏迢迢一徑通漸分
華藏界深隱法王宮道與神仙別人非世俗
同欲知西祖意庭栢老春風 謝新昌權宰
見訪 秋試舉人迴戟峨嵋將相材過橋分路
處勒馬入山來邑佐閒空望林僧靜可陪何
雷布霖雨天下活枯榮 送然上人化導
魯聽新豐曲簷頭雨滴聲還吹無孔笛用度
有緣生欲破他迷暗當開已悟明春風活萬
物天道美何評 清公默庵 久息遊方念
庵居道可親依依雖有主寂寂似無人池裏

運從老門前事自新此心誰會得庭栢對長
春 留題昭公寂照軒 幽軒名寂照四海
坐中開景物有遷色主人無異類野泉澄檻
外香靄起簷間涼夜誰相問寥寥月滿山
送人之南嶽 境幽南嶽寺一一碧巖分遠
近松相接高低鍾共聞靈禽時奏樂香石日
龍雲想到經行處超然趣不群 雷秀才顯
閣 靜攝南池上群芳益我曹蘭仍露雨露
松下隱蓬蒿環坐山川秀開懷意氣豪為儒
斯有業何慮桂枝高 上藍清涼軒 觀機
唯說法一聽一清涼欲盡衆生病當開甘露
場幽深方丈後掩映府門傍有間西來意城

頭角韻長 遊桃源贈劉君實 宛若神仙
府疑無世俗風人間山色裏門徑水聲中柳
線共垂綠桃花相映紅烟光正和暖遊樂意
何窮 興道士話長生 悠悠人共老誰復
解追尋豈信長生道分明不滅心龜飛瑤闕
遠夢投海山深語此迷方者無勞覓寸陰
書道士壁 仙學遠多說當依柱史評無心
歸大道有德失長生物我同真宰親疎豈可
名良哉衆妙本一一在忘情 留贈香城潭
長老 簾卷西山色禪心共月華香城深處
寺靈觀上人家絕頂壇猶在盈頭乳已賒而
今淳道者經誦白蓮花 題矮雞冠 潔白

異界并堦前莎草齊曉來和露看只欠一聲
啼 弄遊未固院 悠悠塵世外居者少開
心是事有遷謝斯門無古今乾坤同永久山
水共幽深我愧重来此諸方懶去尋 淨頭
端上人求洗滌之說因而成偈 毘食共滋
養皆名有漏身焉知大小事不昧性來人歷

七十

十一

歷隨聞見惺惺應屈伸變通元自在鑒照本
天真由逐江湖客耻為堯舜臣所依投旅舍
妄計因風塵病故嫌王膳飢仍預園民既能
分皂白須解別疎親朽宅蛇虺會浮泡屎屎
陳何妨觀穢惡却要滅貪嗔除垢超凡果談
空入聖因迦文教雖舊釋子道應新草屣排

朱戶褰衣掛綠筠操心彰戒定彈指覺坑神
吐唾防塗壁批箒怕動隣為僧當異俗學佛
便行仁伏忍冤憎盡與悲鳥獸馴汲湯宜讓
伴盟手忌淋琅受用生慚愧供承識苦辛堦
甃同鏡面瓦宇若魚鱗狼籍欣歡少光明讚
歎頻桶盆還次第灰土最精淳塞鼻奢紅棗
迎賓熾絳脣去驕終遠害習慢必遭迤邐器
易盈滿曠懷忘賤貧沙門脩慧命菩薩振慈
綸慈具如蓮性誰偏可意玳莫迷臭皮袋苦
海枉沉淪 石笕二十韻 帶月眠霜磨復
琢南康匠者好規模引迴鹿野靈源水瀉入
梵宮香積厨宜作奇祥當聖代永為盛事在

元符既依依數里松蘿下往往諸方佛刹無
 左袒右盤何繚繞高來低去更縈紆屈伸宛
 若蒼虬活裁剪分明碧玉俱解逐方圓稱上
 善能隨甜苦任殊途既成蔬飯鳴健推還春
 林僧洗鉢盂及物冷冷離洞府漱湍瑟瑟近
 簾隅禪堂客惠滋茶味祖席人傳美畫圖澄
 湛池塘茶菡萏清涼肺腑欲醍醐調和口腹
 功非小蕩滌塵埃德不孤遐迹溪山同掩映
 朝昏鳥獸共歡呼屯雲坳裏龍擡首貯雪巖
 前虎踞貼夾道我杉根漸著傍垠種竹葉微
 甍橋橫深澗優游也亭起危巒悅望乎佛手
 開時慚潦倒馬蹄踏屢塊踈愚賢持世子勤

永樂北藏

古尊宿語錄

其力則與清師忘所勛清則與世四士人千
 載石門憑沃潤萬家極越賴霑濡輒將長句
 伽陀讚誰謂江河北帝都題雙嶺曇顯法
 師影堂雨花臺下真身在便是梁朝顯法
 師南嶽早傳思大道北齊曾控陛脩詞沙門
 既悟神通妙道士休誇呪術奇舉一無人能
 舉二士十至今佛日聖明時秋夜宿景德院荷
 滿秋塘菊滿籬淒涼軒檻冷風吹西末祖意
 堪任處方丈禪心正寂時岸住何妨傳棒子
 車行須是打牛兒通人聞說呵呵笑帶水拖
 泥老古錫和積翠庵老和尚送李二十歸袁
 州。深入靈山罷問禪。還家林逋步苔錢。悟

第一九八册

懷此去須知幸。竹偈誰來得有緣。隱俗但忘
憎愛見。同塵寧畏是非遷。時時好味庵中旨。
若遇如君始可傳。和楊川秀才。同是浮
泡幻化身。鬢邊白髮但驚春。墜星灣裏曾分
舊。卷簾山中又話新。君把詩篇多適性。我將
佛法獨怡神。雖然擇悅吟情別。得意逍遙綏
要津。謝毛大夫見留。山野欣逢太守賢。
故伸鄙臆下雲巔。莫嫌苦死辭幽隱。却為勞
生屬晚年。多病況慚非道德。踈慵虛占好林
泉。片雲隨逸情無限。不用羈留重愛怜。
次韻郡倅李朝散留題洞山。凌空疊翠巖
光裏。一簇樓臺釋子宮。誰謂道場無事到。自

須蓮社有緣通。曾迎彩旆長松下。得奉冰顏
累日同。從此承恩何以報。悠悠心在白雲中。
悟本道場三百載。至今香火感玄關。未遊長
謂於人外。及到分明在世間。境屬化風林藪
靜。僧依勝迹錫瓶閑。訟庭無事民情樂。洞寺
何妨一再還。寄蘇子由。徧因訪祖叅禪
後。拙直尋常見愛稀。有道却從人事得。無心
應與世情違。時光易變誰驚老。真趣難窮自
覺微。尤荷多才深此意。諠譁聲裏共忘機。
與會勝禪老。同生夏瑯琊。至秋作偈相別。以
似一時之事。涼秋時節諸禪子。去去揚朱
路任差。到處有山容駐錫。何方無寺不為家。

萬緣脫去輕浮世。一性常來看落花。我亦與
師雖老大。更尋幽隱過年華。送祥長老住
雲門。曾學雲門自在禪。而今歸去豈無緣。
南山下雨機雖妙。北斗藏身語更玄。衣到老
靈長把住。法從少室廣流傳。諸方彼此休分
別。唯佛功深見處圓。退居彭判官以詩見

留次韻奉答。勝剎當年偶重樓。老來猶占自
知非。欲憑別選僧中德。可使重拈石上法。
付王臣千古振道期。高下一心歸何妨。免我
羈留事。閑為君通佛祖機。和饒守周開祖
見贈休話東西北。與南群生佛性妙相參。詩
書未必無夫子。道德何妨有老聃。不二靈源

永樂北藏

古尊宿語錄

誰共覺以三真教。自殊探山間老也。為遺物
多謝通人。碩草庵寫懷寄五峯長老。此寄
欲拋拋未得。長思來伴老。嵩丘道因無念殊
途。會人到有年。諸事休閑。徑草深方禁足。碧
林蟬叫又驚秋。世情追逐何時盡。覽鏡那堪
更白頭。送西安丐者。禪性天真蓮出水。等
慈及物別巖阿。供投野老門。門到飯謁林僧
寺。寺過獨木溪橋。人戶少孤村。草店路頭多
風寒。日晚宿歸處。猶隔畬園五里坡。別洪
帥張左司歸泐潭。自笑年來七十三。餅盃
又汲石門潭。偶迎府帥一時意。拋却雲山幾
層庵。大道也知無固必。通人應亦重相諧。翻

第一九八冊

思恩德何由報。潦倒扶持強指南。寄泐師
張天覺。雲賴德風輕舉力。雖然入寄寶山
中。龍蛇每用春雷覺。草木時將法雨蒙。馬祖
妙心傳不盡。泐潭靈派瀉無窮。四頭為報張
居士。豈獨今生外護功。聞說當年蛇虎穴。法
王居後杳無蹤。庭幽寂寂深深處。山好千千
萬萬重。^十張氏腴田園大嶺。馬師靈塔族長松。
勝遊輸却君先到。還屬南昌一化封。楞嚴
偈寄撫守許朝散。十卷楞嚴萬行林。法門
開闢徭機深。八還四就且除鏤。三漸七微猶
煉金。見見時當見性。聞聞處要開心。使
君為物延僧講。付囑無忘佛正音。留題佚

老庵。勞生唯有僧無事。若悟真乘老更閒。
三徑園林禪性在。一菴風月道心還。傍欄碧
澗長來水。隔岸青岑不買山。却願群情塵土
裏。名牽利役自忘艱。送僧遊南嶽。住亦
無求去亦閑。颺然到處是家山。偶棲龍嶠重
巖寺。又憶融峰絕頂閑。禪性誰同秋月皎。吟
情自得古風還。平生聚散三四也。知向何時
更會顏。送黃州丐者。東西南北齊安。日
高高照不偏。千里江山稱佛國。萬家未
大祝堯天。麻城長者思聞道。栢子真身尚坐
禪。機但大悲平等化。無人無我智為先。
和僊上人秋夜對月。香殘火冷漏將沉。孤

坐寒窗對碧岑。萬井共當門有月。幾人同在
道無心。風傳喬木時時雨。泉瀉幽巖夜夜琴。
為報參玄諸子道。西來消息好追尋。

十五末

丰

古尊宿語錄卷第四十六

永樂北藏

古尊宿語錄

第一九八冊